

# Geiq Liebbyaij

□ Lij Yozyez sij Luz Yaujli hoiz

Yaek cwnghmingz bonjfaenh doiq ndaej gvaq gij cwnghueh miznaj yinzminz gingjaz, gou cijndei baez dem baez gip aeu gij cien gwnznameh bek aen gyaеuј bonjfaenh, itcig bek daengz ngauq cien soiq liux bae, hawj gyoengqde yawj ndaej da daengx bak aj liux. Yienzhaеuh gou youq raq ienhoenz saek hoengz cienq ndang byaij deuz. Ndaw mboengq ndeu, gou youq bakdou cin cwngfuj bek cien gwnz gyaеuј bonjfaenh, youq bakdou gunghsanghsoj bek cien gwnz gyaеuј bonjfaenh, youq gvangjцangz gunghsiuhse bek cien gwnz gyaеuј bonjfaenh, couhlienз youq bakdou cin siujyoz hix bek cien gwnz gyaеuј bonjfaenh, gou couh lumj cangh-yienjheiq louzlangh nei, yaek cwnghmingz gij cien bouxwnq gveng youq gwnznameh hawj de haenx, dwg diјndaej roengzrengz bek gyaеuј mbouj dingz.

Gou miz di mbouj naihfanz, vihmaz gij vwndiz gyoengqde cungj dwg baenzneix doxlumj? Gou yied daеuј yied roxnyinh sojцangj dou Cinz Naijgvei hungmbwk lai lo, caezgya cungj dwg gwn gij raemx Yizgyangh, de miz leixyouz caeuq gyoengqde doxlumj, youq gou ngamq daеuј seiz, hawj gou bek ngauq cien, bag cienheu, dik dinmbin doenghgij neix.

Yawj doenghgij cien sanq baenz dieg, gou hix mbouj roxnyinh miznaj saek di, ndigah gou mbouj nyinhnaeuz banhaet dwg gou daengx ngoenz ndaw-de seiz ceiq ndei. Gou ngoenznaengz seiz ceiq ndei dwg gyangngoenz, hix dwg gou seiz byaij youq dieg gihminz, cij miz seizneix, gonj bitveh ndaw uk gou, cijndaej vaddoengh hwnjdaеuј cacaca veh mbouj-dingz.

Gij hong gou mbwndingh aeu youq laj gorungz guh. Sou yawj, gorungz haenx cwgoemq bae buenq diuz gai, ndigah, gij ranz buenq diuz gai neix couh yap rongh yap laep youq lajraemh, danghnaeuz mwngz mbouj miz doiq lwgda ndei ndeu, hoeng mwngz youh siengj byaij gaenh doengh aen ranz haenx, mwngz gaenbonj yawj mbouj cingcuј gizhaenx cingq ok gijmaz saeh, caemhcaiқ saedsaeh gizhaenx cungj dwg cingq ok gijmaz saeh. Gij saeh gizhaenx ok haenx, swhyienз dingzlai mbouj dwg saehndei.

Ngoenzhaenx, gou youq bakdou cin cwngfuj bek daihbet ngauq cien daj gou daengz Yizgyangh doxdaеuј, hawj bouxdajcawj fandangz cin cwngfuj Siz Yungjgez, bouxcuznaz ndaw cin Vangz Yiz-gvangj, cin giswnghcan cancangj Liuz Fuzding loengh ndaej da daengx bak aj liux, gyoengqde sam boux vunz lumj doxiu nei, doengzcaez bekfwnгz hwnjdaеuј, bakdou cin cwngfuj yiengj gij sing bekfwnгz seiz sang seiz daemq haenx, ciudaеuј haujlai vunz ngamq singjndiu.

Siz Yungjgez haenh gou, de yungh gij fuengfap gyangqdaemq Cinz Naijgvei daеuј haenh gou, de naеuz: “Cinz Naijgvei guh gijmaz ndaej baenz, daengx ngoenz cungj yawj mbouj raen vunz, ci cungqdinj de wnggai raek youq gwn hwet mwngz, Yizgyangh couh yaek aeu boux gingjaz lumj mwngz yienghneix.” Vangz Yizgvangj byaij gvaqdaеuј cazyawj aen gyaеuј gou, raen aen gyaеuј gou mbouj miz saeh, couh gig unqswnh dwk baet gij ciensoiq gwnz gyaеuј gou, riengz laeng Siz Yungjgez gyangqdaemq Cinz Naijgvei, de naеuz: “Cinz Naij-gvei dangyienз mbouj miz banhfap caeuq mwngz beij lo, de cawz rox goeb gunghcangh le, lij rox

gijmaz dem?” Vangz Yizgvangj gangj ndaej mboujloek, Cinz Naijgvei sojцangj gou daj haet daengz haemh couh rox hen youq bangunghsiz, hawj doenghboux vunz bae Gvangjdungh dajgoeng haenx goeb gunghcangh, coinyoengx gyoengqde ndeindei dajgoeng, gaej siengj bohme h ndaw ranz lai. Liuz Fuzding naеuz: “Goeb gunghcangh miz gijmaz yungh, gaemh vunzvaih cij mizyungh. Mwngz gaej hag Cinz Naijgvei, mwngz aeu bae gaemh vunzvaih, Yizgyangh vunzvaih lai raixcaix.”

Gou ngamq liebbyaij mbouj nanz, couh dingqnyi vunz naеuz Yizgyangh miz haujlai vunz-vaih, gou roxnyinh diuzrap gou naek dangqmaz, couh sikhaek mbon ok bonjbitgeiq, aeu geiq gij mingzcoh doenghboux vunzvaih haenx, ngoenzlaeng gaemh gyoengqde haеuј ranzlauз bae.

Hoeng Liuz Fuzding mbouj naеuz gou nyi bouxlawz dwg vunzvaih, de cijdwg hwhw riu song sing, lumjnaeuz gyoengq vunzvaih Yizgyangh cungj youq ndaw song sing hwhw de nei.

Liuz Fuzding naеuz: “Mbouj ndaej naеuz mwngz nyi, bouxlawz dwg vunzvaih mwngz bonjfaenh gag bae yawj, daengz laj gorungz bae yawj.” Gangj sat faj fwngz de baez vix, lumjnaeuz vunzvaih couh youq laj gorungz nei.

Yienghneix gorungz youq ndaw lwgda gou, couh mbouj dandan cij dwg giz gingjsaek ndeu lo. Gou vaiqdi ganj bae laj gorungz.

Vangz Yizgvangj, Liuz Fuzding gangj ndaej mbouj loek, gou ngamq daengz gizhaenx, couh yawjraen daeg hauxseng ndeu mbat fajfwngz ndeu, hoenx goenglauз ndeu dingjai youq gwnznameh, “ba” sing ndeu, hwk mbin geij duз roeglaj gwnz gorungz bae. Seizhaenx laj gorungz mbouj miz vunz, daeg hauxseng ndeu daj gizgyae gyaep goenglauз ndeu daengz laj gorungz, de gaemhdawз goenglauз haenx le, baez yaengx fwngz couh mbat fajfwngz ndeu fak hwnjbae, goenglauз haenx lumj lwgyinz nyingz deng nei, sikhaek boemз laemx youq gwnznameh, lij youq gwnznameh niuj bae niuj dauq. Daeg hauxseng neix roengzfwngz baenxneix haenq, baez daih’it couh siengj hoenx dai goenglauз haenx, gou gag naemj, ndawsim daeg hauxseng neix haengjdingh yo miz ywcaq.

Gou mbouj ndaej hawj daeg hauxseng neix caiқ roengzfwngz baeз daihngеih caeuq baeз daihsam. Seizhaenx gou mbouj rox song boux neix dwg bohlwg, fanjcingq miz vunz deng hoenx, gou boux gingjaz couh aeu guenj.

“Mboujcinj hoenx vunz!” Gou doq hemq doq cung hwnjbae.

Daeg hauxseng neix siengj mbouj daengz, laj gorungz buet daеuј boux gingjaz najseng ndeu, de ngeizvaeg yaep ndeu. Hoeng goenglauз haenx dauqfanj daj gwnznameh diuq hwnjdaеuј, doq nyoengx daeg hauxseng neix doq hemq naеuz: “Vaiq buet, Cinz Lieng, dwg daеuј gaemh mwngz hane.”

Goenglauз haenx nyoengx Cinz Lieng byaij deuz cib geij mij, raen gou mbouj miz gij eiqsei gaemh Cinz Lieng, couh maeuq roengz gwnznameh gag momo fajnaj bonjfaenh. Seizneix gou cij roxyiuј gyoengqde dwg bohlwg. Goenglauз heuhguh Cinz Cangfeih neix, seiz youqgaenj lij mbouj lumz daeglwг bonjfaenh bw. Cinz Lieng mbouj lau saek di, de ndwn dwk mbouj doengh, cimyawj gou,



lumjnaeuz gou mbouj wnggai youq seizneix okdaeuj nei.

Gou byaij gaenh de, guhyiengh dwk hat naеuz: “Vih ma hoenx vunz, boux iq hoenx bouxlaux, mbouj baenz law!”

“De dwg daxboh gou.”

“Daxboh mwngz couh ndaej seizbienh hoenx la? De ciengx mwngz geijlai sinhoj ya.”

Dingqnyi gou naеuz “de ciengx mwngz geijlai sinhoj ya”, Cinz Lieng couh ruihaha lo.

“De ciengx gou?” De cienq ndang najcoh daxboh de, “mwngz ciengx gou ha?” Aen gyaеuј daxboh de sikhaek suk daengz laj gwnzmbaq.

Daj seizhaenx le, youq dieg Yizgyangh, gvendaengz gij vwndiz lumjbaenz bouxlawz ciengx bouxlawz, gou couh mbouj caiқ caeuq bouxlawz gangj dem lo. Daj gij biujcingz song bohlwg daеuј yawj, dwg bouxlwг neix ciengx boux vunzlauз haenx lo, gvaіq mbouj ndaej de gamj hoenx daxboh de.

Gou siengj hwnj Mbanjdaepvan dou, gij lwgnyez Mbanjdaepvan dou, mbouj miz saek boux gamj hoenx daxboh bonjfaenh. Siengj daengz Mbanjdaepvan, gou couh maeuq roengzdaеuј, cam Cinz Cangfeih: “Lij in dem lwi?”

“In, in gijmaz, de couh rox cang.” Cinz Lieng youq bangxhenз naеuz.

Gij vah de nyex gou heiq hwnjfoedfoed, gou ndwn hwnjdaеuј: “Daekeiq lo dwg mbouj dwg, mwngz caiқ hoenx baeз dem sawqsawq, gou sikhaek cug mwngz hwnjdaеuј.”

Seizneix gou roxnyinh bonjfaenh loek lo, gou yienghneix gangjavah, mbouj dwg coinyoengx de bae hoenx vunz ma, gou sikhaek gaijbak naеuz: “Gou seizneix couh cug mwngz hwnjdaеuј.”